



Nebelloch



All vier Jahr wählt mer d'Behörde
Dass ned nor die wo eh gern wörde
De Fläche leitet met aller Chraft
De Näbel häts grad au no gschafft.

Dromm-wett er jetzt of kein Fall roschte
Son-derm ä Umfahrig im Oste
D'Goofe fendet guet das Boore
S'nächst mol chan er | un-de dure



Hof – Statt - Baden

Als Weltstadt mue mer Expandiere
Chaschs-met me neue Hof probiere
Au Turgi wär no guet, die kält-me
Doch nöch im Oste macheds lämpe
S'gross Problem met Wettige
Mer Goofe chönnts beschtätige
D Wettger send erscht intressiert
Wenn Bade zom ne | Dorf mutiert

www.goofe.ch

Frauegschichte



Beidi triebed sie gärn Sport
Die hei und au a andre Ort
Zudem sind beidi gut rasiert
Was Fraue sicher imponiert
Kei Wunder sind sie ned allei
Und händ ä liebi Frau de hei
Berühmt und rich sind beidi ähnlich
De Don T Woods esch aber dämlich
Er brucht Trophäe, immer Noï
De Roger haltet meh vo Troï
Mer Goofe chönd eu säge jetz
I dem Bänkli gotz um SSSSSS

Bem Tiger laufft das so bem Sex
Grad nachem Sex häd er en Ex
Das Schema chan bem King ned haue
Dänn nachem Sex | häd er drü Fraue

Ostloch



In Zurzi wird en Golfplatz cho
En Tunnel boue wänds au no
Und für settig Bouvorhabe
Mue mer eifach Löcher grabe
Meishtens brucht das elend lang
Do wirts eus Goofe scho fascht bang

So Löcher bruched Gäld und Ziit
Die won buddled bliibed fit
Spared all die Technique
Es brucht keini | in Hellike



Von tierischen Mannen



Vom **Tiger** häm-mer Eu scho prechtet
Was er näbed em Platz arichtet
Bem Wältumsägler Lüchtenborg
do isch de **Wal** die chlinschti Sorg
D' Ehe för en, die Monotoni
Esch au ned alles bem **Bär** | lusconi

Mer Goofe sueched nach de Gründ
Wieso die viele Fraueründ
Met Thurbo gheieds us de Bahn
Die sind doch wörklich ned **Hirsch** | mann

www.goofe.ch

Zurzach

S'Imitsch vo Tier, es werd en Chnortz si
Muess besser werde in Bad Zorzi
De Ruef vom Fuchs wird neu ufgleisst
Indem er jetz neu / Reto heisst

Baden

S'Imitsch vo Tier treit grosse Schade
Drom muess mer meh Hertz zeige z'Bade
De Ruef vom Fuchs wird neu ufgleisst
Indem er jetzte | Margrith heisst



Ticket for life

A jedem Egge Chasch sie chaufe
Muesch ned emol id Stadt meh laufe
Bechonsch als Goof, sofern das het
Per Telefon und Internet

Doch es het kei Du langsch id Schissi
Be U2 und AC/DC
Tickets z'erstoh isch extrem heikel
Jensiets sogar isches | bim Meikel



Fraue a de Macht

I de Schwiiz do cha mers gseh
Manne händ nüüt zsäge meh
Beidi Rööf und s ganze Land
Sind all fescht in Fraue-hand

Mer Goofe gsend das wiiter go
Is Usland überschwappt das scho
In Rom werd dä Prozess verchörzt
I dem e Frau | de Papst het gstörzt.



S`Mina rett



S'esch skandalös, s'esch bodeböf,
s'esch schuderbar. - Aber s'esch wahr.



www.goofe.ch



Mer send d'Oberfläche Goofe
Singed was das Johr isch gloffe
Mer send d'Oberfläche Goofe
Wer än Seich häd gmacht
Werd nöm ruig chönne schlofe

Säuliqripp



Wo n-är als junge Bundesrot
Se-be-ne-sächzig Johr vorschlot,
Als Rän-te-n-alter i de Schwiiz,
Händ mer all gmeint, das seg en Witz.

Jetzt wo-n-är demissioniert,
Dänked ned, dass er kreppiert.
Dänn mer Goofe wüssed g'nau,
Au d'Gripp | die macht en ned zur Sau.

BIN eingelADEN



De nächshti Name werd ned gnännt
Will eusi Fersli leider nor so chorzi Ziile händ
Als Tipp | er bleibt de Amis fern
Und zeigt sich öffentlich ned gern
Zwar macht er au mol en Usnahm
Und schickt is Fernseh en Ufnahm
Drom kännt mer sini Vide-öli
Won er dreit vor siner Höhli

Vom film-er-ische sends zwar mies
Gänd em doch en filmfescht Priis
Das lüchtet ned nor Goofe i
Well klappt hetts scho bem | Polanski